

Sa Kap Pase ak Tibebe W La?

Devlopman Tibebe W la



Vizit 6 Mwa

Tibebe w la ap gade w e lap aprann de ou.

6–9 MWA: Sa Kap Pase?

Kisa Tibebe W La Ka Fè

Map aprann reflechi ak rezoud pwoblèm.

- Lè yon jwèt tonbe atè, mwen chèche pou m wè ki kote li fè.
- Mwen dekouvri kijan bagay yo fonksyone lè mwen kopye sa mwen wè lòt moun fè.



Mwen ka kontwole kò m.

- Mwen kòmanse itilize pous mwen ak lòt dwèt mwen yo pou mwen ranmase ti objè yo.
- Mwen ka chita poukont mwen, sa ki ede m eksplòre nan nouvo fason.
- Mwen ka rale, ranpe pou m deplase. Mwen ka menm rale mèb yo pou m kanpe.

Kisa Ou Ka Fè

Fè kòmantè sou sa tibebe w la fè pou li reyalize bagay yo. "Ou itilize souri w pou fè m konnen ou vle kontinye jwe."



Kite tibebe w la eksplòre objè ki enteresan yo—kèps anplastik ki gradye ki antre youn nan lòt yo amizan. Oswa lage yon ti jwèt nan benywa epi gade vag yo.

Kòmanse kite pitit ou a antrene nan konsome manje tibebe ki san danje tankou ti moso fwi ki mou si w ta renmen li aprann manje poukont li.

Bay tibebe w la tan ak espas pou li deplase poukont li, pandan wap siveye l. Sa pèmèt devlope fòs ak kowòdinasyon misk yo.

Lè wap itilize feyè HealthySteps yo, sonje ke pitit ou a ka devlope ladrès pi vit oswa pi lantman pase sa ki make nan feyè yo e atoutsa lap grandi trè byen. Chak timoun devlope nan pwòp vitès pa yo. Espesyalis HealthySteps ou a ap disponib pou reponn nenpòt kesyon ou genyen. Kwayans ak valè kiltirèl fanmi w se faktè enpòtan tou ki fasonnen devlopman pitit ou a.

Sa Kap Pase?

Kisa Tibebe W La Ka Fè

Map travay di pou m kominike avèk ou.

- Mwen gazouye anpil. Lè yon moun pale avè m, mwen ka fè son pou m reponn li.
- Mwen itilize vwa m pou m eksprime santiman m, tankou lajwa ak kòlè.
- Mwen kopye aksyon ou fè yo tankou souke men pou di "babay" epi souke tèt mwen pou m di "non."

Pèsonalite m kòmanse manifeste.

- Mwen ka renmen rankontre nouvo moun oswa mwen ka bezwen tan pou m santi m konfòtab avèk yon moun mwen poko konnen.
- Mwen ka renmen anpil son ak aktivite oswa mwen ka prefere pou bagay yo kalm ak silansye.
- Mwen ka aktif anpil oswa mwen ka pi enterese nan gade.

Kisa Ou Ka Fè

Gade kijan tibebe w la reyaji fas ak son yo epi fas ak aktivite sosyal.

Kisa li sanble apresye? Kisa li sanble pa apresye oswa ki sanble boulvèsè l?

Itilize mo pou dekri santiman tibebe w la. Di, "Ou fache paske papa pran kreyon an. Ou ka moulen ti jwèt tchatcha sa a pito."

Si tibebe w la ap gade yon bagay, lonje dwèt sou li epi eksplike l. Di, "Sa se yon vantilatè. Li kenbe nou fre."

Kopye son ak aksyon tibebe w la.

Si li fè siy ak men l, fè siy ak men w tou epi di "Bonjou!"

Remake kijan tibebe w la renmen jwe ak eksplòre. Èske li renmen bouje oswa li prefere chita ak gade sa ki antoure l yo?

Lèt Bagay Pou Konnen ak Eseye

Nan laj sa a, tibebe yo kòmanse gade sou moun ki pwòch yo pou yo konnen kijan yo santi yo konsènan yon sitiyasyon. Pa egzanp, lè yon nouvo moun vini nan kay la, tibebe w la gade w pou li wè kijan ou reyaji anvan. *Èske yap souri epi yo kontan? Èske moun sa a se yon bon moun? Èske mwen ka fè l konfyans?* Pou ede tibebe w la adapte l lè li rankontre yon nouvo moun, avèk vizaj ou, vwa w epi aksyon w yo, montre si moun sa a byenvini ak si li fyab.

Pandan vizit sa a, ekip pedyatrik la ap mezire longè, pwa ak sikonferans tèt tibebe w la. Yo pral koute batman kè tibebe w la epi egzamine je, zòrèy, nen ak bouch li. Tibebe w la pral pran tout vaksen ki nesèsè yo. Nou pral pale sou devlopman ak abidite tibebe w la, tankou dòmi ak manje. Nou pral revize tou konsèy sekirite yo. Epi, byennantand, nou pral pran tan pou diskite sou nenpòt kesyon oswa enkyetid ou ka genyen!